


445

G

168



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 168






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 168



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 168



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 168

J. N. D. N. I. C.
DISPUTATIO JURIDICA
INAUGURALIS.
DE

QUARTIS

QUAM
SOLO AETERNI NUMINIS FULTUS PRÆSIDIO
EX

AUTHORITATE MAGNIFICI DN. RECTORIS
DN. JACOBI GUSSETII
Professoris in Illustri Groningæ & Omlandia
Academia S. S. Theologiam, Philosophiam & Helle-
nismum docentis, Celeberrimi.

NEC NON
Amplissimi Senatus Academici Unanimi Consensu & Nobilissime
FACULTATIS JURIDICÆ DECRETO,

Pro ritè consequendis in Utrouque Iure LICENTIATUS & si Lubn-
erit DOCTORATUS summis honoribus.

Ad constitutum diem XV. July in Choro Templi Academici
publice defendendam suscipit

CASPAR WILHELM von FORELL Orfey. Clivenf.



GRONINGÆ,
Typis JOHANNIS LENS, Typographi & Bibliopolæ, 1696.



Re. Schaefer

V I R O

NOBILISSIMO, AMPLISSIMO, AT-
QUE CONSULTISSIMO

DN. GOTHOFREDO WILHELMO RAAB
Jcto, Augusti Electoris Brandenburgici Con-
siliario, Prætori in Moylandt & Till, Quæ-
stori in Calcar, &c. Fautori, Patrono atque
Avunculo suo ad extremum usque vitæ hali-
tum suspiciendo.

I T E M

NOBILISSIMO, AMPLISSIMO, CON-
SULTISSIMO VIRO,


DN. ALEXANDRO ARNOLDO
PAGENSTECHERO Jcto,

In Illustri Groningæ & Omlandia Academia
Antecessori, Publicique Juris Professori Or-
dinario; longe Celeberrimo, Professori meo
unico & Promotori profunda Reverentiâ &
Amore nunquam non Colendo,

Exercitium hoc Juridicum Inaugurale
Eoquo decer animo,

D. D. D.

CASPAR WILHELM von FORELL.




F. N. D. N. I. C.

DISPUTATIO JURIDICA
INAUGURALIS.

DE

QUARTIS,



Eliberanti, quam materiam disputationi meæ
Inaugurali seligerem, cum multæ ejusdem usus,
ejusdemque occurrerent, indaginis, tandem de
Quartis differere easque Deo Duce & Comite ad
incudem vocare placuit: ubi obviam mihi se obtu-
lit illico quarta Divi Pii. De hac ergo esto.

CAPUT I.

Quarta ergò ex constituitur. D. est quæ impuberi arrogatò re-
linquenda. Dico *impuberi* quia Impubes olim arrogari non
poterat, quia non videbatur fas tantam dari tutori auctoritatem,
ut caput liberum suæ fidei commissum alieni juris faceret: postea
tamen permissum, prævia cognitione, quâ inquiritur, quæ sint
pupilli facultates, & quæ ejus, qui vult adrogare, cujus sit vitæ,
liberos an habeat, causa honesta & utilis pupillo subsit l. 17. §-

A

2. 6

2. & 3. ff. de Adopt. & Emanc. debet etiam arrogator eo casu cavere, datis fidejussoribus, (cautio debet fieri personæ publicæ, olim servo publico l. 15. ff. h. postea tabulario l. 3. C. de tabular. scrib. D. Hub. prælect. h. t. super restituendis pupilli bonis proximis, si contingat eum ante pubertatem decedere l. 18. & seq. d. t. ex ratione, ne in horum detrimentum cedat adrogatio. Dico ante pubertatem; nam eo moriente pubere, bona arrogatori cedunt, in detrimentum quidem proximorum, sed non tam proximo adrogatoris facti, quam adrogati, qui pubes factus adrogationem non improbandi, uti poterat, eam approbasse videtur. Præterea adrogator non aliter exheredare aut emancipare adrogatum potest, quam ex causa legitima: aliàs præter bona, quæ attulit, & quorum commodum ejus nomine adrogatori quæsitum, etiam quartam omnium bonorum suorum relinquere ei tenetur §. 3. l. h. l. 22. ff. eod. l. 8. §. 15. π. de inoff. Dixi quartam partem omnium bonorum, & non tantum quartam legitimam, seu quartam suæ portionis. Textus enim illi mitate loquitur, ut etiam sine limitatione sit intelligendus §. 3. l. h. l. 22. D. eod. arg. l. 43. ff. de Usufr. Lyclam. Membra. 6. Eclog. 5. Bacchov. ad Treutl. vol. 1. disp. 2. thes. 9. sub litt. E. Zoef. D. de Adopt. n. 11. Sane hæc quarta plerumque & est quarta omnium bonorum, & portionis ab intestato, solent enim arrogati in domo paterna soli esse, cum his qui liberos habent vel habere possunt, non facile permittatur adoptio l. 15. §. 3. l. 17. §. 3. de adopt. Et hinc cum leges ferantur de casibus qui ut plurimum non qui perraro accidunt l. 3. 4. 5. 6. ff. de legib. textus absolute loquuntur de quarta bonorum, quia ut plurimum omnia bona debentur arrogatis ab intestato §. 3. l. h. l. ult. Si quid in fraud. patron. l. 22. §. 1. ff. h. Si tamen Arrogatorem contingat, plures habere aut suscipere liberos, non est ab iis recedendum, qui censent hanc quartam esse portionis ab intestato debitæ, & non omnium bonorum; absurdum enim, arrogatos liberalius quam naturales liberos haberi, quibus certum est, exheredatis quartam intestati tantum deberi l. 8 §. 8. de inoffic. testam. quæ tamen & quarta bonorum dicitur l. 6. C. eod. ut sic etiam applicari possit indistincta locutio in d. §. 3. l. 22. §. 1. Vinn. Comm. ad d. §. 3. Zoef. eod. t. n. 11. Persequitur hanc quartam post emancipationem conditione ex lege: in casu exheredationis post obitum patris utili familiæ exci-
scundæ

Secundæ judicio l. 8. §. 15. de inoff. testam. junct. l. un. de condit. ex leg. l. 2. §. 1. famil. ercisc. Struv. Exercit. 3. th. 66. Lauterb. Colleg. §. 8. ad Tit. de Adopt. & Emancip. Jure Novissimo arrogatum testamentum paternum nullum dicere posse credo, propter Nov. 115. c. 3. & secundum casum quem vide in Aphorism. Justin. 1. aph. 55. ab Excellentissimo D. A. A. Pagenstechero præceptore meo unico propositum. Quæritur hic an hæc quarta etiam aucta sit Nov. 18. c. 1. ? Negat Mynsing. sed argumentis parum solidis. Ait, quartam eorum duntaxat d. Nov. auctam dici, quibus antea querela inofficiosi testamenti compete-
 bat: adrogato autem non competisse. d. l. 8. §. 15. de inoff. test. In quo fallitur. Nam certe ante D. Pii Constitutionem non minus arrogato impuberi, quam cæteris querela competiit: Divus autem Pius non minuit jus arrogati, sed auxit, ut ei querela jam non sit necessaria, sed proprio & meliori jure quartam sibi debitam obtinere possit d. l. 8. §. 15. Quod adjicit Mynsing. in correctionis nullam extensionem admittendam esse, quamvis parratio subsit, aut etiam major, verum non est, præterquam in iis constitutionibus, quæ à ratione juris & æquitatis recedunt: qua de re, qui volet, consulat D. Praef. Everh. in topic. loc. 79. Itaque verior mihi videtur eorum sententia, qui hanc etiam quartam auctam esse censent, ne pupillo noceat, quod in favorem & commodum ejus constitutum est D. Bachovius, post Porc. & alios hic. Dicitur relinquenda: ut innuatur quartam illam patris testamento non posse adimi l. 22. ff. h. t. l. 8. §. 15. π. de inoff. testam. Berlich. p. 3. Conclus. 9. n. 3. Cæterum Arrogationem & Adoptionem ab usu recessisse putant Vinn. ad. pr. l. h. t. & Gudelin. l. 1. c. 4. quod forsan ad loca Inferioris Germaniæ restringendum ut putat Lauterb. Colleg. h. t. §. xi. Cavetamen, adoptionem abrogatam dicas. Quis nescit Ferdinandum II. à Matthia Augusto adoptatum fuisse? Cui Latet Margarethæ, Daniæ, Sueciæ, & Norwegiæ Reginæ adoptio cujus commoda Ericus Pomeraniæ Dux gavisus est? Amplissimus Vir A. A. Pagenstecher ICtus celeberrimus Iurisque publici privatiq. Profess. Ord. Doctor meus Nitiidissimus à me dum succus & sanguis meos regunt artus colendus, venerandus in Aphor. Inst. Lib. 1. Aph. 58. vid. tamem D. Hub. præl. ad Inst. h. qui & de Frisia testatur.

CAPUT II.

Sequatur nunc *Quarta Falcidia*. Videamus 1. de origen Legis Falcidiæ 2. Quando competat. 3. Quibus 4. Casus quibus cessat?

Hæc Lex Falcidia à plebe Romana interrogante P. Falcidio Tribuno plebis, tempore Augusti Lata, unde & nomen sortita est anno ab U. 714. uti ex Dione aliisque tradit Anton. August. de LL. & SCtus. p. 61. qua cavetur ne ultra dodrantem testator leget, sed quartam partem heredi relinquat *pr. l. h. t. Struv. Exerc. 36. th. 2. Lauterb. Comp. h. t.* Obtinuit igitur Falcidia primum in legatis testamento relictis *l. 1. pr. ff. h.* Producta deinde ad fidei commissa per SCtum Pegasianum *l. 2. C. h. ut & ad Legata ab intestato, præstanda per D. Pium l. 18. h. l. 10. C. eod. ad donationes mortis causa l. 5. C. h. l. 1. C. de donat. mort. caus. Gudel. de jur. Noviss. cap. 11. Vinn. in Comm. ad pr. l. h. t. n. 8. Berlich. p. 3. Conclus. 1. n. 52. Giph. ad Instit. h. t. n. 13.* ob similitudinem, quia effectu legatis sunt similes, non habentes sui firmitatem ante mortem donantis *pr. l. de donat.* ut ex bonis defuncti videantur erogari. In mortis causâ capionibus locum non habet, ex ratione *l. 8. ff. si quis om. caus. testam. l. 54. ff. de C. & D. l. 36. ff. de donat. mort. c.* quatenus specialiter sumuntur pro iis, quæ dantur conditionis implendæ causâ. Cujus ratio in eo posita est, quod non tam ab ipso testatore proficiscantur quàm occasione mortis ejus capiantur *l. 1. §. 8. l. 93. h.* nisi tamen in fraudem beneficii Falcidiæ quis alteri conditionis implendæ causâ dare sit justus secundem speciem in *l. penult. C. h. Lauterb. Comp. p. m. 528. Struv. cod. Th. 2. Paul. Voet. ad Inst. h. n. 2. Wissenb. disp. 26. n. 52.* In donationibus inter vivos, cum continuò habeant suam firmitatem, ut legatis neutiquam conveniant, detractio ista locum sibi vindicare nequit *§. 2. l. de donat. l. 27. de mort. caus. don.* Nisi tales celebratæ sint inter vivos donationes, quæ non statim, sed morte demum confirmentur; qualis est inter virum & uxorem facta donatio alium casum vid. apud Berlich. p. 3. Conclus. 1 n. 30. D. Hub. Præl. ad Inst. h. t. Vinn. in Comment. ad pr. l. h. t. 8, & Berlich. d. l. n. 57. l. 12. C. h. l. 23. C. eodem: Lauterb. d. l. Voet. add. l. 25. C. de donati inter vir. & uxor. dubitatum est, An habeat locum in fidei commissis, non universalibus, quia certum est in
iis

iis esse locum S. C. Trebelliano, non legi Falcidiæ, sed particulari-
 bus? Affirmativa aliquibus probatur per *l. 2. C. b. t.* Ubi dicitur
 Falcidia habere locum adversus omnes, pro modo legatorum. 2.
 per *l. 12. b.* ubi dicitur in donationibus habere locum, quando fun-
 guntur vice fidei commissorum, 3. Quod legata particularia sint
 ad æquata fidei commissis, & contra, ut quod in uno obtinet etiam
 in alio debeat valere. 4. Quod Trebellianica habeat locum in fi-
 dei commissis universalibus §. 4. *l. de fidei commiss. hered.* 5. Ad-
 ducitur *I. Filiusfam. 18. b. l.* ubi falcidiâ porrectâ ad fideicommissa
 codicillis relicta; verius est non detrahi de fideicommissis particu-
 laribus, ex sui origine, cùm tantum restringat legata testamento
 relicta, non etiam fideicommissa, quæ tempore, quo lata lex Fal-
 cidia, non erant in usu, nec vim habebant; quæ demùm per Augu-
 stum accessit, ut habetur *pr. l. de fideicommiss. hered.* ut non possit
 ad fideicommissa pertinere, cùm leges non disponant super in-
 cognitis. Facit, quod tempore Neronis fidei commissa fuerint li-
 bera ab omni detractioe *d. §. 4. l. de fideic. hered.* quæ demùm in-
 ducta per S. C. Pegasianum tempore Vespasiani, §. 5. *l. d. t.* ubi tex-
 tus habet, eandem retentionem esse permissam ex rebus singulis per
 fidei commissum relictis, sc. per Pegasianum, ut ibi interpreta-
 tur Glossa Ang. & Cujac. *in Notis, & ad d. l. 18. lib. 11. Quest.*
Pauli Licet autem quoad originem non spectet ad fidei commissum,
 est tamen eò porrecta per Pegasianum, uti & ad alia per Beverum,
l. 5. C. b. t. & per divum Pium *d. l. 18.* Ut non obstat argumentum
 primum, secundum, & quintum. Non obstat etiam tertium, quia
 ista adæquatio tantum procedit quoad effectum, Non etiam quoad
 modum, ut salva maneat omninò origo. Nihil etiam facit quartum
 quia Trebellianica etiam habet locum in particularibus cùm tota vis
 Pegasiani, quod loquebatur etiam de particularibus, cùm tota
 vis Pegasiani, quod loquebatur etiam de particularibus transfusa sit
 in Trebellianum, *d. §. 5. l. de fideic. hered.* Hic jam occurrit gra-
 vis controversia, an ex donatione mortis causâ omnium bonorum
 Falcidia detrahi possit? Et dicunt quidam quod non *per 101. expr.*
in l. 93. in med. vers. nam in centum ff. ad L. Falcid. Contrarium ta-
 men Longè verius est, *per textus expressos & inevitabiles in l. 77.*
§. 1. ff. de Leg. 2. l. 1. §. 5. ff. quod legator in L. si mortis causâ §. 1. in
donationibus 12. l. 18. vers. si enim cum mortis causâ C. ad L. Falcid.
l. 2. sub fin. C. de mort. causâ donat. Ratio est, quia hereditas codi-
 cillis

cillis, vel donatione causâ mortis directo jure dari non potest, sed ab heredibus ab intestato bona sunt percipienda; Ideoque merito illis quarta Falcidiæ pro hoc labore, & officio debetur. *Berlich. p. 3. Conclus. 1. n. 38. & seqq.* Videamus pro porro quibus hujus quartæ deductio competit ubi Nota (1) Competit quartæ deductio soli heredi à quo relictum est *l. 71. h.* etiam ab intestato *l. 18. pr. h.* dico *deductio*, quæ ideo inventa, ut institutus heres eo quasi præmio aliceretur ad adeundam hereditatem, & testamentum confirmandum, quia alias irritum foret, cujus rei periculum non est in cæteris, quibus aliquid testamento relictum, unde & heredum principaliter gratia Legem istam latam ait. J. C. in *l. 71. h. t.* (quod hodie magis obtinet postquam legatariis ipsis facultas ad eundi data est vid. D. Pagenstech. *irner. coit. 21. Wissenb. Disp. 26. n. 54. in f. Nov. 1. c. 1.*) & legatarios, fideicommissarios legis istius beneficio non uti *l. 47. h. t. Paul. Voet. h. t. in Comment. ad Instit. n. 5. Perez. Cod. h. n. 4.* siue particulares, siue universales: est enim & in his eadem ratio, cum aditâ semel hereditate testamentum sit confirmatum ut patet ex *l. 1. in f. ad S. C. Trebell.* Quæ res patitur duplicem exceptionem 1. Si suspectam coactus heres hereditatem restituerit fideicommissario: neque enim hic cogetur præstare legata, nisi cum diminutione ea, cum qua heres præstitisset cujus locum omnino subit, actionibus omnibus in se translatis. Deinde non debet fieri melior conditio legatariorum; ex eo, quod suspecta sit adita hereditas, & hoc, quatenus poterat, heres deducere: nam si fideicommissarius fuerit quid rogatus restituere non detrahet, quod habeatur quasi à legatario relictum, *l. 63. §. 11. ad S. C. Trebell. Lauterb. Comp. ff. p. m. 527. in f. 11.* Quando heres rogatus est restituere hereditatem Titio, eo quoque rogato restituere, poterit hic detrahere quartam si primus heres in gratiam fideicommissarii eam non detraxerit. Nisi tamen & ipse fidei commissarius rogatus sit totam hereditatem restituere, *l. 1. §. 19. ad S. C. Trebell. Lauterb. d. l.* Nam licet primo heredi de jure antiquo non potuerit prohiberi deductio poterat tamen fideicommissario isto in casu deductio prohiberi, etiam tacite, cum lex communiter ipsi non permittat deductionem, ex ratione jam dicta. Non obstat *l. 32. §. fin. h. t.* (2) Nota in deductione quartæ Falcidiæ quantitatem patrimonii qualis ea fuit tempore mortis testatoris inspicere: Lucrum damnumve quod postea accedit, heredem spectare vid. *§. 2. l. 2. aph. 159. Struv. h. t. ib. 4.* Illa quantitas

titas autem ut sit certa, sunt deducenda i. æs alienum id est, id omne,
 cujus præstandi necessitate defunctus obstrictus fuit l. 54. b. Sed &
 æris alieni loco habetur, si quid est, cujus præstandi causa mortuo
 testatore ante aditam hereditatem nata est, tanquam contractum
 ab hereditate l. 39. eod. Illud quæsitum circa hanc deductionem, an
 etiam heres, quod sibi à defuncto debetur, detrachere possit ratio
 dubitationis est, quippe cum aditione hereditatis obligatio confun-
 datur, atque ita fiat, ut quod prius ei debebatur, deberi desinat l.
 75. l. 95. §. 2. de solut. Resp. nihilominus deduci posse l. 6. C. b.
 t. idque ob hanc proculdubio causam, quoniam ratione legis Fal-
 cidix, cum de æstimatione patrimonii agitur, mortis tempus spe-
 ctatur, Wissenb. disp. 26. n. 54. quo tempore nondum est ulla actio-
 num confusio. Hodie hoc amplius à Justiniano tributum heredi,
 qui inventarium confecit, ut nec adita hereditate actiones ejus con-
 fundantur, sed ut *similem cum aliis creditoribus per omnia habeat for-*
tunam l. ult. §. 9. C. de jur. delib. vid. Lib. 2. aph. 143. Lanierb. p.
 528. lit. B. l. 66. §. 1. add. l. 6. C. b. §. ult. l. eod. 2. Funebres im-
 pensæ l. pen. de rel. & sumt. fun. 3. pretia servorum manumisso-
 rum §. 3. b. l. 36. l. 39. b. l. 6. l. 7. l. 14. l. 8. 16. C. b. t. Vinn. in
 Comment. ad §. 3. Ph. D. Hub. in pral. ad Inst. b. n. 7. Item quic-
 quid hereditatis adeundæ causâ est erogatum l. ult. §. 9. C. de jur. de-
 lib. 4. Illa, quæ legatorum nomine à coherede accepit heres l.
 91. ff. b. (3) Imputantur enim tantum in quartam ea, quæ iudicio
 testatoris ad heredem pervenerunt, non simpliciter sed jure heredi-
 tario, & tanquam ad heredem, non etiam quæ alio jure l. 74. b. t.
 ubi non solum inspicitur, quid præsentis tempore sit penes he-
 redem ex hereditate, sed & quod penes eum erit. Hinc legata,
 quæ non capiuntur à legatariis, ut in hereditate manentia imputanda
 sint l. 76. in fin. b. t. quodd apud heredem hereditario jure residere
 videantur. Unde inquit Celsus in l. 50. b. t. non esse dubium, quin
 ea legata, à quibus heres submovere petitionem potest exceptione,
 in quartam imputentur, nec cætera legata minuant, ex ratione,
 quam subjunxit proxima l. 51. quodd non intersit, utrum ab initio
 quasi inutile fuerit, an ex accedenti postea in eum casum pervenerit
 legatum, ut actio de negetur. Videamus nunc remedia eam *quartam*
 consequendi: Consequitur heres quartam (1) Rei vindicatione
 l. 26. pr. ff. l. 73. §. ult ff. b. l. 10. in f. C. b. l. p. C. eod. (2) jure re-
 tentionis deducit, si ipse possideat. l. 15. §. 1. ff. b. l. 10. l. 18. C.
 eod.

cod. Struv. h. th. 5. Paul. Voet. in Comment. ad §. 1. h. 1. n. 3.
 Plura qui vult, is adeat *Lamerb. Comp. d. l. in lit. A.* Nunc ultimum
 restant Casus quibus Falcidia cessat, iique respectu aut testatoris aut
 heredis aut rei legatæ considerantur. Intuitu testatoris. I. si ille sit
 miles, casu quo privilegio testandi gaudet l. 7. l. 12. *C. b. t. l. 17. l.*
49. l. 92. in fin. ff. cod. Wissenb. Disp. 26. n. 51. II. Si testatur vivus
 heredi æquivalentem quartæ summam repræsentaverit, hoc est in
 antecessum præstiterit l. 56. §. ult. *h. t. Hub. Prælect. ad Instit. h. t.*
2. aph. 159. Denique III. si prohibuerit Quartam; Tunc enim qui
 institutus est, hereditatem aut repudiare aut solida legata præstare
 debet. *Nov. 1. cap. 2. in fin. Voet. d. l. ad pr. n. 5. aurb. sed cum testa-*
tor C. b. t. Qua in re recessum à jure Veteri quo detractationis pro-
 hibitio non erat concessa testatori, l. 15. §. 4. *h. t.* ex ratione, quod
 esset juris communis præceptum detrahendi, cui obviare nequit pri-
 vatus l. 55. *de leg. 1.* Ratio corrigendi juris Veteris in eo sita est,
 quod rata & in violata sit servanda testatoris voluntas *Nov. 1. §. si ve-*
ro expressim, ubi dicitur esse viva legis dispositio, ut, quæ sunt dispo-
 sita à morientibus, impleantur. Non obstat, quod ejusmodi im-
 mutatio faciat rem ad antiquum statum deduci, & ultimas voluntates
 interdicere, nullo adire volente: nam huic malo subvenit Justinia-
 nus in casu recusantis heredis adire admittendo substitutos, legata-
 rios, fideipommisarios, venientes ab intestato, & fiscum, & hoc, ut
 salventur relicta. Debet autem ista prohibitio fieri verbis expressis,
 cum id desideret *d. Aurb. sed cum testator C. b. Nov. 1. C. 2. §. 2.* legi
 enim corrigenti quæ desiderat aliquid *expressim* fieri, non fit satis,
 nisi singularibus verbis exprimatur *arg. l. 22. Leg. 3. Menoch. 1.*
Præsumpt. c. 45. n. 15. Sarmient. Select. Interp. lib. 2. cap. 7. n. 11.
Lauterb. h. t. in J. Berger. Resolut. Leg. cod. quæst. 1. Vinn. d. l. n. ult.
Struv. h. t. th. 6. Giph. ad Inst. Disp. 22. n. 7. Gudel. de jur. No-
viss. cap. 11. n. 8. Expressim quin censeatur facta prohibitio per ver-
 ba *Nolo detrahat Falcidiam, Volo ut re certa sit contentus, Ultra non*
petas, non est dubitandum. *Diff. Berlich. p. 3. Conclus. 1. n. 72. 73.*
Bach. ad Treutl. v. 2. D. 14. th. 5. Lit. B. propter l. 32. de LL. Nov.
119. cap. 11. Barthol. de Hucio f. 439. n. 4. Respectu heredis I. O-
 missio inventarii *Nov. 1. c. 2. §. 2. l. ult. §. 12. C. de jur. delib. Vinn.*
in Comment. h. in f. D. Hub. Prælect. h. t. II. Si promiserit se Fal-
 cidia non usurum l. f. *C. b. Voet. in Comment. ad Inst. h. n. 5. III.* Ces-
 sat

fat præterea facto heredis, si scienter integra legata solverit,
l. 1. C. h. t. dico *scienter* non ignorantia dabit repetitionem,
 quatenus est facti, quæ probabilis, non etiam si fuerit Juris, quæ
 quia improbabilis repetitionem impedit, uti rescriptum *l. 9. C.*
h. t. & responsum in *l. p. de jur. & fact. ignor. l. 68. §. ult. ad*
SC. Trebellia. l. Error. C. h. Gudelin. d. l. n. 9. 10. Paul. Voet. d.
l. quodd illa voluntatem auferat, non hæc. Imo & jure Novissimo si
 quisolvere cœperit uni aut pluribus legata integra sciens bonorum
 quantitatem, tenetur reliquaolvere *Nov. 1. c. 3. Lanterb. ff. h. Vinn.*
d. l. quasi videatur agnovisse voluntatem, & sibi præjudicasse quoad
 Falcidiam. Qua in re recessum à jure antiquo, quo tantum comme-
 do Falcidiæ carebat in iis, quæ solverat *l. 15. §. non idcirco &*
l. 16. ff. h. t. ubi qui partem solvit, non cogitur ad reliquorum
 exsolutionem, nisi deducta Falcidia. *Siruv. ff. h. th. 6. IV.*
 Si renuat implere voluntatem, aut intra annum post admonitio-
 nem judicis negligat exequi jussa testatoris, meretur enim hæc
 ejus contumacia Falcidiæ punitionem *d. N. 1. C. 1. §. 1. Gudel.*
d. l. n. 11. Voet. d. l. Respectu rerum legatarum, cessat Lex
 Falcidia (1.) in rebus alienari prohibitis *Nov. 119. C. 2. Vinn.*
Hub. Lanterbach. dd. ll. (2) in doto prælegata à marito uxori,
 quod mulier suum recipere videatur *l. 81. §. 1. h. t. l. 1. §. 12.*
de dot. præleg. necessariò enim erat reddenda etiam non præle-
 gata. Ejus quoque ordinis sunt emptæ, parata uxoris causa *d. l.*
81. infin. cum & ista non tam per mortem viri accedere videan-
 tur, quàm causa ejus acquisita, ob destinationem *l. 49. §. 3. de*
leg. 3. Instrumenta quoque dotis, quæ post mortem mulieris
 marito cessura, si marito ab uxore legentur, non patiuntur de-
 tractionem *l. si pradiorum C. h. t.* cum instrumenta nihil utilitatis
 adferant marito, nisi quodd conferant ad probationem (3) in re-
 bus ad pias causas relictis *Nov. 131. C. 12. Siruv. ff. h. th. 6.*
Hub. in prælect. ad Inst. h. n. ult. Gudelin. de jur. Noviss. Lib. 2
c. 11. n. 12. Sume casum: Titius 4000. in bonis habens, 3000.
 Legat Sempronio: 1000. pauperibus. Hoc casu Sempronius in-
 tegros hababit 3000. Heres nihil: utpote cum 1000. qui paupe-
 ribus relictisunt ipsi in quartam Falcidiam imputentur. Contra
 ubi Titius illos 1000. non in pauperes erogavit sed ad illorum pre-
 tium servos ex. gr. manumisit: hoc jam casu de reliquis 3000.

B

Sem-

Sempronio legatis, heres detrahet quartam ad 750. §. ult. l. h. Sunt qui d. Nov. C. 12. ad heredem moratorem restringunt Vinn. P. Voet. dd. ll. Zoef. ff. h. t. n. 45. Sand. l. 4. t. 7. defin. 10. Fachin. l. 5. contr. c. 17. Schot Exam. jurid. ff. h. t. Sed malè, Textus enim loquitur indistinctè quoad abrogationem legis Falcidiæ: sive moras nectat heres in iis præstandis, sive in continenti relicta legatariis præstet. Hic notari velim, priores d. c. N. versiculos nempe *vers. si autem heres* & *vers. si autem legatum* non loqui de herede moratore, sed de illo demum sermonem fieri versiculo tertio, nimirum *vers. si autem distulerit* Gudelin. d. l. Struv. Hub. Lauterb. dd. ll. Wesemb. ff. h. n. 8. & ita sentit CL. D. A. A. Pagenst. in Aphorism. Justin. Lib. 2. aph. 160. in Sicilim. suis ad Schurz. Lauterb. ad ff. M. 1. n. 88. (4) in legato libertatis. Plura qui cupit ratione quartæ, quibus casibus cessat is adeat D. Hub. Vinn. Lauterb. Schot. P. Voet. Struv. Aphor. dd. ll.

CAP. III. DE QUARTA TREBEL- LIANICA.

SUccedit Quarta Trebellianica, quam heres universalis restituere Rogatus ex fideicommissis de trahit, dico *universalis* qui etiam talis est si pars hereditatis relinquitur §. 2. 5. l. de fidei com. hered. & ad SC. Treb. Sententia SCti trebelliani ita, ut nunc est, reformati & aucti tribus constat capitibus vid. §. 7. l. cod. (qui §. exhibet novam Justiniani constitutionem, quæ alibi non exstat alias tales habes §. f. l. qu. ex caus. man. non lic. §. 10. l. de testam. §. ult. de satisd.) Primum caput SCti vult, heredem (*fiduciarium* vocamus ex l. 46. & 67. in f. ff. h. t. l. 10. §. 1. de reb. cred. interim sufficit, si simpliciter heres appelletur §. 3. h.) detrahere posse de fidei commissis quartam, scilicet ne gravatus ob nullum vel exiguum detrectet adire hereditatem, & sic intestatum faciat patremfam. Detractio ista heredi quidem permessa, non etiam fideicommissario à quo iterum fideicommissum relictum est l. 22. §. f. h. l. 78. §. 11. h. l. 47. §. 1. ad L. Falcid. l. 1.

l. 1. §. 19. ff. h. t. P. Voet. ad §. Inst. 7. h. n. 2. Siruv. ff. h. t. 29. quia in eo dicta ratio cessat, cum jam sit adita hereditas l. 55. §. 2. ibi: *semel adit*. ff. h. & si nolit eam aliter recipere, parum spectet ad testatorum, cujus hereditas est adita. Fallit tamen hoc in eo fiduciario qui coactus adiit et restituit, tunc enim fidei commissarius partem, quam potuit heres deducere, deducit, quia utitur jure hereditatis l. 2. & 3. §. 1. h. t. Fallit etiam, si in gratiam fidei commissarii, non detractâ quartâ, integram hereditatem heres restituerit; nam & tunc fidei commissarius quartam detrahet l. 1. §. 19. h. t. Voet. d. l. Siruv. *Lauterb. ff. h. t. in O. Carpz. defin. Forens. p. 3. const. 1. def. 14.* Contra cum plures heredes instituti sunt, singulis deductio quartæ de fidei commissis concedi debet, cum singuli heredes sint §. 8. l. h. quemadmodum simile circa deductionem, de legatis locum obtinet §. 1. l. de Leg. falcid. Cum autem ratio quartæ Falcidiæ (sub qua Trebellianica, ut hodie arg. §. 7. ibi: *omnem & quasi ex Trebell. h. audit*, comprehenditur l. 41. §. 3. de vulg. & pupill. l. 10. l. 30. §. 7. l. 47. §. 1. ad L. Falcid. & c. Giph. ad Instit. lib. 2. disp. 22. n. 9.) non ponatur nisi deducto prius ære alieno §. ult. l. de L. Falcid. sequitur hanc quartam deduci posse præter legitimam cum legitima quasi alienum aliquod æs sit, l. 8. §. 15. de inoff. testam. Nov. 39. c. 1. l. 6. C. ad SC. Trebell. Consentit jus Canonicum cap. Rainutius c. Reinaldus x. de testament Fachin. 5. cont. 2. De Schot. Exam. Jur. ff. h. Nobil. D. Pagenst. in Aphor. Justin. Lib. 2. n. 164. adde ejusdem Irner. Injur. vap. Coit. 13. §. 8. Diss. Gudel. de jur. Nov. l. 2. C. 11. Lauterb. ff. h. t. in O. Vinn. in Comm. ad §. 3. l. Siruv. ff. h. Böckelm. de differ. jur. Civ. can. & hodiern. c. 32. n. 22. Diss. Opp. Atqui duæ causæ lucrativæ in eundem hominem & eandem causam non possunt concurrere §. 6. l. de leg. Relp. Successio filii non est causa mere lucrativa, quoad patrem, qui tenetur filio relinquere legitimam sine ullo onere l. 30. 32. C. de inoff. testam. nec etiam Trebellianica pro mere lucro centeri poterit, quia ex necessitate legis debetur §. 7. l. h. Imputantur in quartam Trebellianicam non tantum ea, quæ jure hereditariâ, sed & ea, quæ quovis alio jure sive legati sive præceptionis ex judicio, vel voluntate testatoris heres præcipit l. 74. l. 91. ad l. Falcid. l. 22. §. 2. h. t. Voet ad §. 9. l. h. Bacchov. V. 2. D. 14. ib. 3. lit. b. c. Scot. ff. h. Hub. præl. ad ff. h. n. 17. unde prælegata,

donationes mortis causa supplebunt quartam Trebellianicam §. 9. l. 1. h. d. l. 22. & d. l. 91. Fach. §. C. 15. An etiam fructus per heredem interim percepti in quartam Trebellianicam imputabuntur? Resp. Ante aditam hereditatem percepti, extra dubium in quartam imputantur, quia hereditatem augment. Ideoque merito restituuntur quoniam hereditatis sunt: quod enim ante hereditatem aditam acquiratur, id hereditati adjicitur l. 38. ff. de leg. 2. Carpz. p. 1. decis. 21. n. 19. l. 20. §. 3. ff. de petit. hered. Post aditam hereditatem percepti etiam quidem imputantur, sed cum distinctione, an sint percepti ab eo, qui pure rogatus est restituere, an vero ab eo, qui sub conditione vel in diem: hoc enim casu tantum imputandi veniunt, non eiam illo l. 22. §. 2. h. Voet. ad §. 9. h. Struv. ff. h. th. 31. Ratio diversitatis est, quod ea tantum imputentur, quæ capiuntur ex iudicio testatoris d. §. 2. si heres ff. h. Pure autem rogatus non videtur capere ex iudicio testatoris fructus, sed ex negligentia fideicommissarii: gravatus verò in diem vel sub conditione, ante ejus eventum ex iudicio testatoris fructus percipit, qui vedetur voluisse, ut eos perciperet tempore intermedio, non gravando nisi post diem aut conditionem Barthol. de Huco f. 439. n. 1. Non obst. l. 18. h. t. in cujus principio dicitur, fructus non restitui, nisi mora sit facta, aut specialiter heres rogatus eas restituere Schot. Exam. ff. & §. 2. nihil aliud restitui, quàm quod est hereditatis. Fructus autem postea percepti non hereditati, sed ipsis rebus accepto feruntur: nam aliud est restituere fructus, aliud imputare in quartam, ut expresse habet d. l. 18. §. 1. Quid si liberi primi gradus restitutionis onere sint gravati? Fructus interim perceptos lucrantur, & illos non computant in quartam l. 6. C. h. t. Sand. 4. tit. 7. def. 5.6. Barthol. de Huco d. l. n. 2. Bachov. ad arrest. Popon. Lib. 20. tit. 7. arrest. 1. 2. & vol. 2. disp. 14. th. 9. lit. B. in d. l. 6. Imper. decisionis istius extensionem prohibet ad alias personas: ut idem non obtineat in nepotibus restituere gravatis, quia favorabiliores sunt liberi primi gradus, quam ulterioris arg. l. 4. ff. de hered. inst. loquitur autem d. l. 6. de casu, quo restitutio facienda aliis liberis, ut possit videri ejus decisio non obtinere in casu, quo restitutio facienda est extraneis. Verum major ratio est, ut iussi restituere extraneis non imputent fructus, quàm iussi restituere aliis liberis. Facit. quòd prohibitio extensionis tantum concernat liberos gravatos
 primi

primi gradus, quibus beneficium indulgetur, ut non teneantur fructus in quartam imputare, non etiam odium eorum, quibus restitutio facienda. *Poet d. l. ad §. 9. n. 3.* Sunt etiam casus quibus Trebellianica non potest deduci: 1. In testamento militis *l. 17. §. f. l. 17. de l. falcid. l. 7. C. eod. l. 1. §. 18. ad SC. Trebel. Hub. in prel. ff. h. Struv. ff. h. th. 33.* Ob voluntatem testatoris expresse prohibentis arg. *Nov. 1. c. 2. §. 2. vers. si verò expressim junct. l. 3. §. 1. h. §. 5. l. de fideic. hered. l. 3. §. 2. de injust. rupt. irr. l. 40. ad l. Aquil. l. 11. C. ad L. Falcid. Carpz. 6. Resp. 25. n. 12. Gail. 2. O. 138. n. 15. Bach. v. 2. D. 14. th. 2. Lit. B. 3.* Cessat detractio hujus quartæ, si heres adire recusaverit, & coactus fuerit per fidei commissarium adire, quia cum alieno periculo adiverit hereditatem, merito ab omni commodo arcendus *l. 4. h. t. l. 6. §. 2. eod. §. 7. l. h. Lauterb. p. 531.* Quod non tantum procedit quoad heredem, sed & quoad fideicommissarium rogatum restituere hereditatem *Zoes. ff. h. n. 93. Struv. d. l. Alios & plures casus vid. apud Hub. prel. ff. h. Poet. in Comm. ad h. t. Struv. h. Zoes. ff. h.*

C A P. IV.

D E Q U A R T A L E G I T I M A.

Sequitur Legitima quæ portio hereditatis ab intestato debita *l. 8. §. 6. ff. l. 31. C. h. de inoff. testam.* Et hæc interdum in jure dicitur quarta *l. 8. §. 9. ff. l. 29. l. 36. §. 1. C. h.* debitum naturale *d. l. 36. §. 2.* Falcidia *l. 6. C. ad SC. Trebell.* Germanicè der Pflicht-Theil. dico portio: non portio portionis, ut alii: præterquam enim quod & hæc portio sit, legitima in casu quo quis unicum ex. gr. filium relinquit, est portio totius hereditatis, at in casu tantum plurium liberorum legitima est portio portionis hereditatis, idque tantum respectu liberorum singulorum, non universorum collectim sumtorum. Materialiter considerata originem trahit ex jure Naturali, unde in *l. 7. §. 1. ff. unde lib. & l. 7. ff. de bon. damn.* dicitur, quod parentum hereditas liberis ex æquitate naturali debeatur. Parentes quidem non communis naturæ ordo, sed turbatus ad liberorum hereditatem vocat. *l. 15. pr. ff. de in off. testam. & miserationis ratio admittit l. 7. §. 1. unde lib. Nov. 1. præf. §. 2. & c. 1.*

inf. C. 1. de testib. in 6to. Hoc ipso tamen arbitrium de rebus suis disponendi planè non tollitur, *iniquum enim est ingenuis hominibus non esse liberam rerum suarum administrationem* l. 2. ff. si par. quis man. l. 1. C. de SS. Eccles. Ne autem per liberum hoc arbitrium ratio pietatis plane negligeretur id circo jus positivum certam determinavit portionem quæ liberis à perentibus necessariò est relinquenda, quæ portio materialiter considerata, ut dictum, est juris Naturæ d. l. 36 §. 2. Quoad determinationem autem, sive formaliter, est juris Civilis, & ideo mutari potest. Quantitatem legitimæ lex Civilis definit, ut legitima olim fuerit quarta §. 6. l. de inoff. testam. hodie autem sit tertia vel dimidia pars hereditatis pro numero liberorum, juxta illud glossæ: *Quatuor aut infra dant Natis jura trientem: semissem verò dant Natis quinque vel ultra: Arbitrium sequitur substantia cætera patris Nov. 18. c. 1. Carpz. p. 3. decis. 266. n. 2. dixi legitima quæ de jure ff. & Inst. quocunque titulo relinqui potest §. 6. 5. de inoff. testom. l. 8. §. 6 ff. cod. sic nec de jure Cod. ambigitur l. omnimodo 30. C. de inoff. test. An idem de jure Nov. dici possit? Quod puto per Nov. 18. c. 1. Auth. noviss. C. de inoff. test. Verum abrogationem d. Nov. urgent. DD. communiter, moti Nov. 115. C. 3. in qua statuitur, liberos institui vel exheredari debere, usque aded, ut non sufficiat per legatum vel fideicommissum, vel alium quemcunque modum ipsis debitam portionem relinquere. Resp. rectè debent heredes institui sed non expressè in legitima, quia ex uncia potest filius heres scribi, legitima verò alio titulo relinqui. fingamus casum, Titius filius meus esto heres ex unica: frater meus Mevius ex belle: Affinis meus Sejus ex quadrante: Cæterum præfato filio meo Titio legitimam de lego. Ecce: quid obstat quominus legitima hoc casu titulo legati valide relinquatur? dicis: filius debuit heres institui. Resp. id jam factum esse hoc casu: ut vides. adeoque Sanctioni Novellæ 115. jam satisfactum. Consent. Arum ad Instit. disp. 10. th. 18. Gudelin. de jur. Nov. l. 2. c. 7. n. 4. Excell. D. Pagenst. in Irner Inj. vap. p. 2. Coit. 5. Diss. Struv. Exerc. 10. th. 30. Lauterb. in Colleg. §. 33. ad tit. ff. de inoff. Testam. Vinn. in Comm. ad §. 6. l. 4. cod. n. 2. inf. Zoes. ff. cod. n. 77. Hub. in Pral. ad Inst. ad d. t. de inoff. test. n. 9. Schot. ff. cod. Berlich. p. 3. Conclus. 15. n. 8. dicitur in definitione portio hereditatis hinc sequitur, patrem vivum à liberis nullo modo ad legitimam sibi præstandam posse compelli, quia viventis nulla*

nulla est hereditas l. 1. de hered. vend. Lauerb. d. 1. §. 44. & ejus
 quod plane non est nec pars ulla neque effectus est, accedit textus
 in l. 1. §. 19. de collat. ult. expresse negatur Quartæ petitionis dum
 Pater vivit, quia filius vivo Patre nihil juris in legitima habet, sic
 nec illa ipsi debetur, sicut nec patronus in bonis liberti viventis quic-
 quam juris habet l. 1. ff. si quis à par. fuer. ma. & pro hac est text.
 in l. 1. §. 21. ff. de collat. Nec Obst. l. 11. de lib. & post. quia ima-
 ginarie tantum & per quandam representationem filius pro domino
 habetur vivente patre: verè autem dominus non est paternorum bo-
 norum, alias sequeretur, quod essent duo domini ejusdem rei in
 solidum quod est absurdum §. 2. l. de hered. qual. & diff. Quodd
 ergò, filius vivo patre existimatur dominus rerum paternarum,
 hoc verum intelligitur quoad dominium intellectuale, & interpre-
 tativum: quia cum lex interpretetur filium esse eandem personam
 cum patre, intellectualiter declaratur illum esse dominum & pa-
 trem: fingitur enim filiusfam. (jure Civili) vivente adhuc patre
 quasi dominus esse paternorum bonorum, sicque fictum habet do-
 minium sive improprium, secus quoad dominium sive improprium,
 secus quoad dominium verum & effectuale quia dominium est quæ-
 dam plenitudo, quæ non capit plures in solidum l. 5. §. 16. ff. com-
 mod. Nec ociosa est hæc investigatio, aut sine effectû: quia si filius
 haberet jus patre vivente, pater non posset de suis rebus dispo-
 nere pro lubitu l. 5. C. de reb. alie. non alien. ubi verò filius nullum
 jus habet, permittitur patri pro sua voluntate disponere de bonis
 tanquam domino, moderatori & arbitro l. 14. C. de contrah. emt. &
 vend. lim. tamen in eo, si vivus & volens filio volenti eam assig-
 navert, arg. l. 35. §. 2. C. de in off. test. 2. lin. si pater immensam
 & immodicam donationem in filium fecerit, ut tempore mortis
 non tantum super sit, quantum ad legitimam reliquis liberis sufficiat,
 non mortis, sed donationis tempore inspecto, quo casu inofficiosa
 illa donatio revocari potest l. 5. C. de in off. donat. Auth. Unde C. de
 in off. test. 3. quando monasterium ingrediuntur Auth. nunc auctum
 C. de episcop. Nov. 5. c. 5. Auth. ingressi & Auth. si qua mulier C.
 de SS. Eccles. Postremò, cum legitima sit portio hereditatis, sequi-
 tur, filium non posse legitimam agnoscere & repudiare cætera he-
 reditatis, quia nemo hereditatem pro parte eam scindendo adire,
 nemo quasdam partes agnoscere, quasdam repudiare potest l. 1. &
 2. de Acquir. hered. Debetur itaque legitima liberis parentibus,
 certo

certo in casu etiã fratribus, quibus inofficiosi testamenti querela
 datur. Contra æquitatem enim esse videtur, si fratribus turpis per-
 sona præferatur, adeoque jus Civile ipsis hoc in casu remedium con-
 cessit *l. 27. C. de in off. testam. Berlich. p. 3. Conclus. 11. n. 12.* De-
 nique relinquenda legitima purè, & absque ullo gravamine *l. 30. C.*
de in off. testam. Gudel. de jur. Nov. l. 2. c. 7. n. 10. Schot. Exam.
jurid. ff. ad t. de inoff. testam. ut nec fideicommissio gravetur, nec
 conditione suspendatur nec moram ullam admittat. Quorum si
 quid adjectum fuerit, pro non adjecto habetur *l. 32. C. eod. Carpz.*
p. 3. cap. 12. d. 7. Vinn. l. 1. q. 22. Gail. l. 2. O. 119. n. 2. & seqq.
Struv. Exercit. 10. th. 30. Lauterb. in Colleg. ff. tit. d. inoff. test. §. 47.
in f. ratio est, quia legitima non ex judicio testatoris, sed ex pro-
 visione legis debetur, nisi forte bona mente in favorem filii, dies
 vel conditio, veluti à matre ingratiam filiorum, ad posita fuerit
l. 2. §. C. d. t. Carpz. p. 3. c. 9. d. 11. vid. l. 8. ff. si tabul. test nul.
extab. l. 3. C. de instit. & substit. nisi filius vel parens post mortem
testatoris expresse hoc opproraverit l. 35. §. 2. C. de in off. testam.
 Deducitur legitima ex substantia h. e. ex patrimonio defuncti, ex
 omnibus corporibus, ex rehereditaria *d. l. 36. C. de in off. testam.*
Nov. 18. c. 1. Hub. in præl. Inst. ad tit. de in off. testam. Carpz. p. 2.
decis. 174. n. 16. Cz. 2. p. 3. dec. 266. n. 4. Berlich. p. 3. conclus. 11.
n. 15. cujuscunque valoris fuerint *d. Auth. Novissime:* dummodo
 caveat judex ne eam assignet in omnibus rebus, quod communionem
 induceret matrem discordiæ *l. 77. §. 20. de leg. 2.* Hujus autem le-
 gitimæ computatio, cum instituitur, respiciendum ad quantitatem
 hereditatis quæ tempore mortis in defuncti bonis fuit *l. 6. C. de in*
off. testam. Conf. l. 44. §. f. de bon. libert. subducto ære alieno l. 8. §.
9. ff. de in off. test. Carpz. p. 2. d. 175. n. 8. Bach. ad Trembl. v. 1. D. 13.
th. 16. item detractis bonis restitutioni subjectis *l. 11. §. 5. ad l.*
Falcid. Struv. Jurisp. Rom. Germ. l. 2. T. 21. n. 9. Tum quod liberi,
 & alii in ejusmodi bonis non succedunt, sed ea illis, quibus restitu-
 tio fieri mandata est restitui debent, *Auth. res quæ C. comm. de leg.*
 Tum, quia ejusmodi bona aliena dicuntur, & de substantia testatoris
 esse non censentur *d. auth. res quæ C.* legitima autem non nisi ex sub-
 stantia testatoris debetur, uti dictum, Tum quia hæc bona nequî-
 dem ex causa alimentorum, alienari possunt *gl. in d. auth. res quæ C.*
comm. de Leg. Causa autem alimentorum, & legitimæ æquiparantur
Pistor. quasi. 122. n. 130. post pr. n. 40. & seqq. p. art. Tum, quia in
 legi.

legitimam non imputantur, ex iis nec legitima detractitur, *Rosenb. de fend. c. 7. conclus. 13.* Imputantur autem legitimæ ea, quæ ex substantia defuncti profecta, & quidem vel per ultimam voluntatem, ut legata, fideicommissa donationis mortis causa, l. 8. l. 30. l. 36. pr. C. de in off. testam. vel per actum inter vivos, ut peculium profectitium, dos, donatio propter nuptias, l. 29. C. cod. Struv. Exercit. x. th. 35. Simplex donatio, quæ vivo donatore valuit, minime imputatur l. 35. §. 2. C. cod. quoniam simplex donatio, ut simplex, ideo imputari nequit, quod imputatio tolleretur ejus conditionem, nempe nisi pater contemplatione legitimæ dederit d. l. 35. vel defunctus eam imputari voluerit l. 29. C. cod. Guil. 2. O. 38. Sic nec bona adventitia castrensia vel quasi imputantur arg. l. 36. pr. C. d. t. l. 1. §. 15. ff. junct. l. 20. l. f. C. de collat. Etiam si hæc ex bonis patris provenerint, arg. d. l. 1. §. 15. l. 4. C. de advocat. 1. Quibus accensentur sumptus dignitatum & studiorum causa facti, qui merito non imputantur, quales sunt doctura, Licentiæ, Magisterii, arg. l. 50. fam. excisc. l. 1. §. 15. & §. 16. d. coll. bon. l. 3. §. ult. ff. de muner. & honor. add. l. 20. §. 6. ff. fam. excisc. Lauterb. comp. p. m. III. Struv. Exercit. x. th. 35. Bach. ad Treutl. v. 1. disp. 19. thes. 13. Quo æque referuntur sumptus ordinarii studiorum d. l. 50. Nisi aliud patris voluntas præseferat, de qua si confliterit, & forte ob speciales rationes librorum filii nomine comparatorum quæstio incidit, quoad æstimationem, tempus mortis non emtionis est respiciendum, quoniam legitima parente adhuc vivo in considerationem absolute non venit, nec debetur arg. l. 6. C. d. t. ibi: *quartam bonorum inspicere tempore mortis.*

CAPUT V.

A Nimus fuit etiam de reliquis Quartis agere sed propter instans iter id mihi nunc non permittitur. Est alia quarta ex tribus maribus in l. p. §. *sed ea omnia* C. de adopt. Est quarta filci. l. p. ff. de jur. fisc. Est quarta filie parentis Majestatis damnati l. 8. C. ad L. lul. Majest. Est quarta matris vel avie curialis l. 2. C. quand. & quib. pars quart. Est quarta filii superstitis, quando defunctus uxorem superstitem gravidam relinquit l. 3. ff. si pars hered. pet. & c.

C

Nunc

Nunc Benevolum Lectorem obnixè rogo , velit tumultuaria hæc opella mea amice esse contentus. Exactiorem laborum meorum elaborationem promitto , ubi itineriis molestiis , quibus nunc totus distrahor , exantlatis , praxi forensi me tradidero. Temporis exiguitas nunc non sinebat gravioribus meditationibus ut me impedirem : hæc mihi obvia erant & quasi ante pedes.

C O R O L L A R I A.

- I. **P**ater etiam dotare cogitur filiam divitem.
- II. **Q**ui virgini invitæ osculum fixerit injuriarum non tenetur.
- III. *Virginem vulneratam lesamve , quæ dotem formosa in fronte gessit , aestimare quoque frontis cicatrices posse ? Affirm.*
- IV. *Propter solam exosculationem uxoris domini , Vasalus aliquando feudum amittit.*
- V. *Fœminæ in feudum francum non succedunt.*
- VI. *Vasallus juramentum calumnia si inter eum & Dominum causa agitur non præstat.*
- VII. *Legitimati per subsequens matrimonium in feudis succedunt.*
- VIII. *Emphyteusis est contractus S. Iur.*
- IX. *Fratres consanguinei cum germanis in feuda succedunt.*
- X. *Fidejussor regulariter non obligatur ad usuras.*
- XI. *An duo pluresve Rei promittendi , etiam quando expressa stipulatione non fidejusserunt pro se invicem , beneficium divisionis habeant ? Affirm.*
- XII. *Decretum in Corpore Iuris Canonici caret auctoritate & vi Legum.*

F I N I S.

Applausus Votivi
Nobilissimo & Consultissimo

D. D. CASP. GUILIELMO de FORELL.

Jurium Cultori indefesso inauguraliter in Lyceo Grunico
more solito id est feliciter disputanti ,

ab

A M I C I S N O N N U L L I S

amice oblari.

S O N E T T.

Du tapfres Groningen / gib mehr her der Forellen /
Forellen lieb und werth dem werthen Vaterlandt /
Forellen aufgebracht durch meines Bruders handt /
Forellen fett gemacht bei lauren Themis-quellen /
Forellen da mit rhum die Nach-welt mög von gellen /
Forellen so die welt ein weinig iingerannet /
Forellen zu der müß und arbeit angespannt /
Forellen die der kunst und Tugendt sich gesellen.
Forellen wie bekandt die halten sich gern auff
Da wo bei bergen sich eränge ein wasser-lauff /
Die wollen auff das best den Lecker-mäulchern schmäcken.
Mein wertheater Forell / du hast auch so gemacht :
Das rauh' und schwehrstes Thun hast du zuhr Lust geacht :
Ein Tuffergen wirdt nun nach dir die finger stecken.

Commilitoni quondam suo honoratissimo & carissimo
hisce paucis raptim sed toto corde applaudit

WERNER. JUSTIN. PAGENSTECHER
J. U. D. & Profess. Ordin. Steinfurtensis.

An dem selben.

ES ist der Tugend bahn sehr schwer einkehr zu gehen
Sie führt durch rauhe weg / und spitze-dornen Strauch
Zu hohen Helicon , damit der selbe auch
Der Sie vordem verehrt auff Rosen möge stehen.

E 2

Da

Da theilt Sie aus den Preiss der herben Arbeits-Stunden /
 Die mancher zugebracht in stiller Einsamkeit /
 Wan andre hingelegt in Wollust ihre Zeit /
 Hat jener an statt des / den Büchern sich verbunden.
 Nach dem nun Wehrter Freund Er niemahls hat geschonet
 Der grossen Arbeits-Müh, gleich wie es dem gebührt
 Der tapffer und mit frist der Themis waffen führt /
 Er sehe doch nun an wie Sie den Fleiss belohnet
 Mit Ehr und schönem Lob / der nimmermehr vergehet
 Drumb ruff ich billich zu auss einem frohen Geist
 Der diesen kurzen Wunsch mich einzig sprechen heist:
 Er werde mit der Zeit je mehr und mehr erhöht.

Dieses kleine Gedicht hat seinem höchstgeschätzten Herren
 Bruder und Commensali Herren Caspar Wilhelm von
 Forell J. U. D. aus schuldiger Pflicht geschrieben

G. KRUGER Regiomont: Pruss.
 J. U. Stud.

Ad Eundem.

Nuper tractabas, Themidis, Sponsalia, Sponsus;
 Nunc Sponsam duces: Ergo Maritus cris.
 Quod tunc Conjugium prædixi carmine vates,
 Id nunc gratari carmine Musa parat.
 Pro Themis! An necdum Sponsi & conventa Mariti
 Discernenda putent Qui tua sacra colunt?

Ode Sapphica:

Nullus in Circo Pretium reportat,
 Nî gravi currus agitet labore;
 Nullus ex bello referet Triumphum

Absque cruore.

An Tagi fulvas potis est arenas
 Institor quisquam piger obtinere?
 Gloriam nemo sibi comparabit

Absque labore.

Ecquis in sacrae Themidis sacratam
 Otio torpens penetrabit Aedem?
 Ne quidem tali dabitur videre

Atria Divæ.

At laboranti, Pietate junctâ;
Est ad æternum decus ac honorem,
Copiam rerum, sapientiæque

Trames apertus.

Hinc sacra Lauri tua, Candidate,
Frons viret, quam mox Cypridis sequetur
Myrtus; Hinc citra dubium dabuntur

Præmia plura.

Vestra io! Musæ, Charites, Puellæ,
Vestra io! Affines, Patria & sodales
Gaudiis, votis copulate nostris

Gaudia, Vota.

Επιφώγεια ad Eundem.

Mox Tibi mergenda est Academica cura Falerno,
Dum nos Te cyathis sex, * Aliorumque salutem
Sicuti verba ferent, multis paucisve bibemus
De seniore cado. Cur non & Clunia collo
Diluat in tubulo genitas, habito ordine, nubes?

*Hiscæ qualibuscunque Nobilissimo atque Politissimo Viro ju-
veni C. W. de FORELL Commilitoni suo hætenus conjun-
ctissimo, Amico nunquam reconciliato Fratri æstimatissimo
Doctoratus in Utrunque Jure Dignitatem officiosè gratulari,
prospera quævis ex animo apprecari, honorem & amorem suum
obnixè testari, memoriamque sui modis omnibus commodare
volui, debui.*

ABR. ROEMER LL. Cult.

Aquis-granensis.

* tot enim τὸ FORELL literas continet;
Digitum autem nos intendere in notum
Priscorum morem, de quo inter alios Martialis
Lib. 1. Epigr. 72. & lib. 9. Ep. 94. monere supervacaneum est.

Ad Eundem.

Omnibus ad sacram Themidis properantibus Ædem
Horrendum objicitur proprio, quod Marte doman-
dum est

Monstrum: sed multos (: illi est inscitia nomen:)
Aspectus terret, sunt quos ignavia vincit,
Arma aliis belli desunt, ars bellica multis,
Sed TU Legifera, FORELL, cor curaque Divæ
Arte & Marte Tuis misisti ad Tartara monstrum,
Unde TVO merito redimitus tempora lauru
A Fama monstri super Astra locabere VICTOR.

Hisce Nobilissimo atque Doctissimo
Viro Juveni Domino C. W. à Forell
Amico suo integerrimo & Fratri
conjunctissimo congratulari voluit,
debut.

J. F. SCHOTTEN LL. Cult. Cassellanus.

F I N I S.

